

行  
在  
陽  
秋

行在陽秋上

隆武丙戌二年冬十月十四日丙戌永明王監國肇

慶以明年爲永曆元年

御諱由榔 神宗孫也 皇考桂端王生四子

長由 次由 俱爲獻賊所害三由授封安仁

王以病薨四永明卽王上也天資聰明仁厚

皇考自衡徙梧以病薨上居苦次會隆武蒙

塵報至兩廣總督丁魁楚廣西巡撫瞿式耜等

謂天下不可一日無君乃迎桂嗣王至肇慶立

之以府署爲行在頒詔楚滇黔蜀

閣輔蘇觀生自南雄撤兵還廣州閣臣何吾驥自  
閩遁歸青山加丁魁楚東閣大學士兵部尙書瞿  
式耜東閣大學士吏部尙書

魁楚原任兩廣總督兵部尙書右副都御史兼  
吏部右侍郎賜券劍進平粵僞今以吏部右侍  
郎入閣攝尙書事兼戎政式耜原任廣西巡撫  
兵部右侍郎今以禮部尙書入閣兼兵部尙書  
掌銓事

封李明忠武靖伯鎮南詔

以許德生爲潯州推官監明忠軍 明忠江西

人狠兵帥也初奉隆武詔協勦江西八月率潯  
州兵六千至肇慶九月至三水聞隆武汀州之  
變返肇慶預推戴

原任兵部尙書東閣大學士呂大器自閩赴行在  
仍用原官辦事旋以病致仕

原任兵部尙書守制李永茂赴行在

上隆武帝尊號曰思文皇帝后曰思文皇后

擢原任福建布政吳炳爲戶部尙書

督師兵部尙書右副都御史何騰蛟等公疏勸進  
隆武朝騰蛟進定興僉賜劍駐軍長沙楚撫兵  
部右侍郎右副都御史堵胤錫受隆武命督雲  
貴師會聞汀變騰蛟胤錫公疏建行在

補馬吉翔郭承吳嚴雲從吳繼嗣等爲錦衣衛使  
吉翔北真人繼嗣涿鹿人崇禎十六年獻賊陷  
衡州 皇考皇兄及 上偕宮嬪自永州奔粵  
西行李蕭然過道州州人不納及羈縻行駕以

索賂及賊入城賴繼嗣夫婦以肩輿衛 上及  
國母于難 上失金冊繼嗣亦失所佩州印賊  
踞城四十餘日無兵衛繼嗣密約粵西鎮楊國  
威引兵復城國威過道州覓得州印繼嗣亦獲  
金冊獻之

進武崗伯劉承胤武定候鎮寶慶

以王坤爲司禮監秉太監

坤故北關自閩來奔

十一月癸卯朔日有食之

進何騰蛟武英殿大學士加太子太保

得贛州敗報司禮太監王坤請駕移蹕梧州大學士瞿式耜諫止之

唐王自立于廣東改元紹武以蘇觀生爲大學士觀生過三水不赴肇慶而行在諸臣以觀生無推戴意拒之適唐王與淮王航海而至觀生遂奉唐王監國

遣兵科給事中彭耀入廣州諭唐王去帝號不從  
耀遇害

故大學士陳子壯廣州人移書瞿式耜請興師  
東向以靖唐藩式耜以聞上曰先遣官諭之  
俟其拒命討之未晚也蘇觀生既殺耀曰集兵  
向肇慶而清兵因得乘間窺潮惠矣兵科給事  
中陳邦彥同耀受命入廣州聞耀死乃還

以林佳鼎爲總督兵部侍郎勦唐藩

十八日庚申上卽皇帝位于肇慶追尊皇考

桂端王爲興宗皇帝遵母王太妃爲皇太后立妃  
王氏爲皇后大赦天下進瞿式耜文淵閣大學士



以朱容藩掌宗人府事

遣錦衣衛嚴雲從護送三宮居桂林敕靖江王防守

授陳子壯中極殿大學士兵部尚書節制兩廣江西福建湖廣軍務賜尚方劍便宜行事

二十日壬戌清李成棟入潮州遂入惠州

進蕭琦兵部尚書晏日曙工部尚書周光夏都御史李用楫等爲各道御史

補原任少詹兼侍讀朱天麟翰林院學士

二十九日總督林佳鼎捷于三水

唐王遣督師陳際泰歐陽等軍于三水城西將犯行在武靖伯李明忠自韶州入援戰于三水大捷俘斬八百餘級陳泰遁去

十二月初三日總督林佳鼎兵潰于海口監軍夏四敷赴水死佳鼎不知所在或曰與四敷同赴水死三水之捷佳鼎有驕色督兵晝夜兼行唐王兵僞降誘其水師至海口適東南風大作唐王兵以火攻之佳鼎等盡登岸列營泥淖深

三尺餘人馬盡陷兵大潰李明忠二三十騎奪路去許德生被獲至廣州繫獄明忠尋降于清後復返正

特授王化澄兵部右侍郎兼都御史總督粵師周鼎瀚兵科給事中

化澄原任以御史巡粵加大理卿鼎瀚原任戶部郎中 上以林佳鼎失事也化澄鼎瀚皆以內批用瞿耜奏內批用人非與朝舉動 上不允

進原任兵部尙書李永茂東閣大學知經筵

永茂以守制不入直專知經筵永茂疏薦鄉望  
十五人御史劉湘客與焉太監王坤啟視不悅  
于十四人悉塗抹其名湘客被黜永茂怫以去  
爭之瞿式耜奏大臣論薦固其職司禮輒去取  
其閒何以服御史何以安大臣坤復疏薦海內  
名卿數十人式耜曰司禮抑人固不可薦人更  
不可後湘客改官編修充經筵講官

加王化澄兵部尙書

旨杖御史童琳奪科臣劉蕡等職大學士瞿式耜  
疏寢之

琳劾都御周光夏私亂臺規 旨下廷杖式耜  
曰新政未布何可杖言官 上從之蕡等以劾  
司監王坤落職賴式耜疏救得賜環

中允方以智棄官去

王坤疑劉蕡疏出以智手故以智力求去

十五日清陷廣州

清將佟養甲李成棟遣遊擊龐起龍偽爲提兵

求入城城內信之遂蜂擁而入內兵登城戰一  
晝夜擒斬清遊擊王士選清兵欲退會有內應  
遂陷唐王被獲自盡周益諸王俱遇害蘇觀生  
自縊死許德生降于北紹武守臣忠惠伯王之  
臣大學何吾騶及顧元鏡洪天擢潘曾瑋李綺  
曹燁耿獻忠毛毓祥等俱降其在籍剃髮降者  
爲李覺斯王應華梁應材伍瑞隆等又葉延祚  
曾道唯陳世傑關捷先等俱降

清徇東莞新會等縣

二十五日行在得廣州陷報 上乘與出城駕小  
舟如西峽傳幸梧州大學士瞿式耜從駕而西丁  
魁楚走岑溪王化澄走潯州

清兵薄廣城且急式耜方典選請視帥督戰駐  
峽口王坤復趣 上西避之式耜夜乘小舟留  
駕曰我兵水陸鳧至三水可上下搯也爭之不  
得請身留肇慶宗人府朱容藩奏曰左右所恃  
惟式耜一人式耜留守則 上行益孤 上舟  
西式耜部署五日疾趨梧 上西行又五日矣

魁楚惑于姦弁蘇聘從梧人岑溪化澄攜中樞  
印走潯州西上護蹕者惟式帮一人兵部尙書  
李永茂工部尙書晏日曙太僕卿田芳走博白  
清以降撫曹燁仍巡撫廣西

燁歙縣人 進士

改廉州知州陸世廉于梧州

授熊兆壁兵主事

兆壁廷弼子也原任容縣知縣旋棄官去

授孫順則辰州分守道



清兵犯湖湘命督師何騰蛟率楚師禦之命大學士瞿式耜轉粵西餉濟師

駕至梧州

封王國璽武靖侯王維恭華亭侯

以國戚故也

元年刻春正月癸卯朔 駕在梧州

時戶部尙書吳炳翰林學士方以智朱天麟文選司郎中吳貞毓給事中唐誠張起御史程源中書舍人吳其雷洪士彭錦衣衛馬吉翔等俱

從

命魯王總理南北直省錢糧軍馬恢復事文武爵賞俱聽便宜行事

封陳邦傳思恩侯焦璉新興伯

駕發梧州

上自梧州北幸桂林閣部瞿式耜從行 上欲

府江達桂林兵衛寥寥梧州知府陸世廉惟募

舟夫以進式耜扈駕西行夜昭平 板灘

原任右叅都御史巡撫廣信張家玉起兵東莞兵

部職方司主事陳邦彥起兵復順德縣

丁未日食

山東鄉兵攻莒州

十六日李成棟陷肇慶

駕幸桂林

兵部主事陳邦彥招降日行灘余龍等水師焚  
清艘百餘于東莞直抵廣州境李成棟返救故  
乘輿得達桂林

劉湘客曰 上于正月幸桂林式耜肅堂陛敕

守禦誕告楚蜀各路征鎮粵西居山川上游清  
不能仰面攻明矣兵士雲屯湖南北立需戰粵  
南大通滇柳慶出黔左右兩江四十五洞土瘠  
悍勇讐國家惠威三百年撫粵悉受銜廉足支  
內備桂城爲明辟都疏請道里之可達行在者  
加瞿式耜太子太保駐梧州

廿三日虜陷高雷廉三州

東莞張家玉聚衆八海

潮惠二州林舉賢陳耀起兵衆至萬人

二十九日虜陷梧州

潯州守將李明忠平樂守將李承忠俱以兵降北  
承忠或作承志

叛將杜永和犯岑溪平粵公丁魁楚督戰墮水死  
魁楚有兵千餘屯岑溪李成棟遣副將杜永和  
招之不至永和木陸兼進魁楚與戰于藤江中  
矢走死

二月壬申朔潮州賴天肖起兵叛將文貴陳虎余  
成隆來戰擊敗斬之

韶州陳順簡信起兵惠州蘇來起兵新會鄉紳黃奇策起兵

清遣沙遠勉撤奇聖來招撫奇策斬之

進吳炳方以智東閣大學士同入直

以智旋罷去

以原任吏部侍郎王錫衮禮部尙書文安之爲東閣大學士

以周堪廣郭都賢劉遠生等爲各部尙書以毛壽登吳德操等爲御史丁時魁禮科給事金堡禮科

都給事中兼職方員外

補萬六吉爲給事中蔡之俊翰林簡討

初八日巳卯海師攻福州叛將張應夢出戰海師  
遁

鄭彩周崔芝合兵攻漳平不克總兵陳國祚力戰  
死之

十一日壬午月掩歲星于東井

孫守法屯兵長安石鰲谷

陳邦彥師次高平

邦彥遣馬應房以舟次攻順德

鄭彩克漳浦擒斬虜官計國男

海師攻興化叛將張應元逆戰而走

晉劉承胤安國公曹志建永國公焦璉新興侯郝永忠南安侯盧鼎宜章伯

十五日丙戌駕幸全州赦新興侯守桂林

上幸桂林復謀移蹕大學士瞿式耜力爭弗聽  
竟出全陽

廿二日癸巳海師次福清不克



圍城三日叛將陳心裕兵出北門遂走

二十四日乙未林舉賢陳耀攻廣州不克陣斬清將劉朝用周一鳳而去

丙申清陷長沙

知縣王宸縣丞楊日新降

丁酉清陷湘陰

王進才大掠湘陰而遁清兵遂入城縣丞扶雲鳳迎降

督師何騰蛟師次衡上

騰蛟檄張光壁黃朝宣等援長沙俱不至朝宣  
走衡州

是月安國公劉承胤朝行在

詔幸永州

駕至全州楚將劉承胤欲擁入桂林 太后不  
允遂幸永州

三月壬寅朔犁虜伯孫守法復寧州  
大學士瞿式耜自梧州還桂林

時警報狎至 上念式耜元臣諭趣治裝從行

式耜謝曰君以仁臣以義臣奉命守此土得與  
此地共存亡于是從官皆行式耜獨守

甲辰李成棟再陷順德敗余龍于黃蓮焚舟數百  
馬應房戰死

丁未賴熊攻復建陽

清兵逼梧州陳邦傳棄平樂走

敕大學士瞿式耜留守桂林賜尙方劍節制諸軍

王坤趣 上幸楚式耜泣諫不能挽無已請身

留桂故有是命式耜仍疏請 上暫蹕全州以

扼楚粵之中內外兼顧

戊申瀏陽伯董英降于清

自瀏陽出降

壬子清以耿藩伯爲廣西巡撫

乙卯清兵薄桂林攻文昌門守將焦璉禦却之

初平樂不守清兵直上至是乘虛數十騎衝入

文昌門城中大驚式耜急呼璉出璉自全州歸

休息未定從數人披弦挺刃與清兵遇清兵上

城樓式耜署在樓下亟緘之璉矢無虛發應弦

而斃者半餘者走璉短兵接追殺數人且盡清  
隊遂不敢近城城中始定是時清兵自東上昭  
澤省會逃奔虛無人跡 上在全州念首輔且  
馳驛召還而留守堅誓與清兵角拒尤急時清  
兵衝陣而式耜出守文昌門調度自如也是時  
督師何騰蛟治兵衡湘老將重兵悉屯湖南北  
聲援弗及式耜獨毅然誓衆嬰城而守親帥大  
將焦璉掩其不給砲矢夾發虜鋒大挫

安國公劉承胤遣兵援桂林

虜陷陽朔遍野雜髮式耜與璉危城孤守疏請  
徵承胤兵承胤初從武崗入護猶尊朝廷遂司  
禮監王坤弄權而叱周鼎瀚爲奉庵寺鼻息故  
推重式耜發兵數千援桂

雜錄云北來高副將入桂林掠瞿留守資裝爲  
總兵陳邦傅焦璉所殺邦傅遂出兵破貴縣入  
潯州明忠走邦傅破興業劉鴻烈圍鬱林焦璉  
據桂林破陽朔

戊午張家玉克東筦

己未周崔芝攻闔安

兵部尙書詹兆恒攻開化叛將李榮逆戰兆恒兵  
敗死之

壬戌張家玉克新安

家玉至新安西鄉與陳邦策屯兵白石

癸亥督師何騰蛟破清兵與辰州

一作庚申

甲子林質破德化

乙丑林質破建陽叛將蔡應科以兵逆戰質戰敗  
被執死之

監軍陳邦彥復清遠不守

夏四月壬申朔清撫耿藩伯兵入梧州

耿至梧州攻取陽朔而西失藤縣北敗于桂林  
不敢進前

江西大旱

詔進張家玉兵部尙書提督嶺東軍務聯絡潭湖  
兼副都御史

癸酉清陷衡山總兵陳四明降北

乙亥清陷衡山瓊州



叛將閻可義陷之

封錦衣衛郭承吳馬吉翔嚴雲從爲伯革御史毛壽登等職劉承胤挾上如武崗

從劉承胤請也御史毛壽登駁之曰金吾無矢石功何得援邊鎮例晉五等爵也吉翔等疑疏出劉湘客之手周鼎瀚遂造蜚語爲董卓催汜之議激承胤逼上立下廷杖旨縛壽登湘客及御史吳德操給事中萬大吉于行在午門外會諸臣申救得免壽登等俱落職承胤自桂陽

挾 土遷武崗式耜疏請留蹕全陽日聞郊祀  
禮成卽圖移駕不知將回桂林耶抑幸武崗辰  
沅耶夫 皇上原以恢復兩粵爲心則不徒西  
粵未恢未可移駕卽東粵未恢亦當駐全爲得  
策故承亂等嗾杖壽登等四臣以四臣主還蹕  
桂林之議也

乙卯清兵入興安州率虜伯孫守法戰死

李明忠攻潯州

辛巳叛將孔有德沈知祥耿仲明尙可喜兵犯湖

廣

孔耿尙俱降清封王是稱二王

癸未清兵入衡州殺黃朝宣父子

甲申白虹貫日

清兵陷永州守將盧鼎走道州

督師何騰蛟駐白牙市兵部侍郎副都御史章曠

駐東安

甲申王允成馬進忠走辰沅郝永忠走道州曹志  
建走永明

癸巳加瞿式耜武英殿大學士少師兼太子太師  
臨桂伯

以守桂功也式耜疏辭

岑本高等敗沒于浦城

癸巳岑本高王思春江中英江中元張文耀朱  
國貞劉國球等同攻浦城有原在監軍吳承昊  
徐元毛文俊張裔元約爲內應至是本高等四  
人敗死國貞被執叛降遂供承昊等謀清皆殺  
之

己亥叛將徐勇破安化遂入新化

王光泰克襄陽擒斬虜官

劉承胤兵掠桂林

承胤兵至桂林挾餉不出與焦璉兵主客不和

譁變擊鬪掠市而去

五月辛丑朔清陷新安縣

高雷廉三州俱降于清

壬辰王光泰等克勛陽擒斬虜官

庚戌揚州地震

甲戌改武崗爲奉天府以周鼎瀚爲東閣大學士  
同劉承胤入直

壬午福建江西大水

壬戌鄭彩破長樂縣

癸亥清陷龍陽縣總兵楊國棟戰死

全家被殺

甲子清陷常德

乙丑清兵攻桂林焦璉擊走之翌日又追敗之

清偵兵變積兩城壞猝薄城環攻文昌門式耜

與璉分門嬰守用西洋銃擊中胡騎璉出城戰擊殺數千人自辰抵午不及餐璉日枵號奈何式耜括署中米蒸飯分哺士益樂用命向晡雨未息收兵明日復出戰清衆棄甲杖而奔式耜先令路將馬之驥伏于隔江清衆從栗木嶺逆之驥疾馳渡江運槊提鞭進斃三人復追殺二十里而還璉久駐桂得桂人心式耜國士遇璉故得其死力

戊辰清陷和平縣知縣李信死之

晉翟式耜少師兼太子太師臨桂世伯爵

上賜璽書褒嘉式耜疏辭新命復請苦自劾

是月副將周金湯率壯士二百人夜復永州城

金湯莆田人武進士原任永州都司

復均州

六月

督師何騰蛟朝行在上慰勞之命滇將趙印選

胡一清統兵數千人從騰蛟歸守白牙敕諸鎮扼

守寶慶辰永



晉何騰蛟世侯爵駐衡州堵胤錫世伯爵駐長沙  
章曠駐常德

十七日李成棟攻陷新安西鄉陳御策戰死于日  
石

是月福建張興龍謝志良擁衆入海

廣東英六吉劉良機擁衆入海

海師攻破興國州擒斬程文哀

秋七月

初五日督輔陳子壯率舟師攻廣州不克

初十日兵部尙書張家玉克復轉羅龍州等縣駐  
博羅

督輔罷式相率宣國公焦璉攻復陽朔平樂

遣司禮監龐天壽催廣西兵援梧州

兵部侍郎兼僉都御史章曠卒于永州

松江人崇禎丁丑進士

陳邦傳復梧州

興陵在梧州督輔式相奏梧州旣復宜昭告

陵寢請 駕還桂林言甚切至

八月

給督輔瞿式耜新銜誥命

以嚴起恒爲東閣大學士

起恒浙人面潤身高有異相原官戶部管錢法

試侍郎

二十日清陷高明督輔陳子壯監軍麥而炫被執  
不屈死之

二十三日 駕發奉天傳幸廣西督輔瞿式耜請  
繇古泥道雜容躡桂林

二十四日清陷奉天劉承胤以兵降清

奉天之陷也守兵先敗遂斫北關塞堽發而遁  
駕三宮無不徒行者中宮嫡妹與土皇親母肩  
輿出城閣臣吳炳不及出幾被獲踉蹌走慶遠  
謁起恒王化澄吳貞毓馬吉翔出重賞僱三小  
舟奉 上宮善西行時乘輿問出不知所之榮

王在辰州督師大學士堵胤錫巡按御史熊  
麟等共議擁戴時隆武閣臣熊開元在保靖司  
因傲保靖奉開元書以中興元輔相期開元答

書略曰今日所急在討賊不在立君乘輿所向  
未卜萬一或有參差魯唐近轍何可再尋

廿六日清陷傅羅

九月

李成棟破清遠陳邦彥被獲殺之

廿五日清陷鄖陽王光泰走竹房

清陷沅州巡撫傅上瑞降于清

後清攜上瑞至江西會金聲桓起事疑有變殺  
之

駕幸沙泥潭

庚申海師破羅源縣又被連江

是月海師掠得山鶯龍門高公島

冬十月戊辰朔 駕幸柳州督師何騰蛟來朝

駕在沙泥潭督師何騰蛟率滇兵來會遂從駕

至柳州大學士嚴起恒亦從萬屯來會

督輔瞿式耜三疏請駕還桂林

時督師何騰蛟嚴起恒及劉湘客咸在桂林南

安侯郝永忠兵驟至疑主客不相安式耜加禮

撫慰永忠信服爲之用宜章伯盧鼎亦至自楚  
式耜因疏請蹕極言柳州獠獠雜處地瘠民貧  
不可久駐慶遠壤鄰黔粵南寧地逼交夷不可  
違幸又言桂林可都云 騰蛟與永忠鼎璉等  
俱分防汎會

武崗之變 乘輿南粵紆道入苗變朝官星散  
不復存上下綱紀式耜西望而泣散布金錢多  
遣壯士閒道迎求乘輿適報駕抵柳城乃益增  
發將吏裹餼糧備車馬表請 上幸桂林臣躬

掃行宮以待于是 上敦諭相國西陲朕根本  
地先生竭力守此待朕駐車使朕不至顛沛異  
日國家再造先生功實多

庚午王光泰奔蜀

辛未太白經天

丁丑兵部尙書張家玉兵敗死

癸未清陷永州攻徐州

清帥耿仲明佟代陷永州遂遣將王燦董英等

攻 全州王蔣二鎮

失其名

禦戰黃沙河失利

行在陽秋

卷



清兵遂渡西河浦督師何騰蛟遣總兵何有奇  
援之

清陷全州岳陽伯王允成總兵唐文曜全州道馬  
鳴鸞俱降于清

清攻辰州榮王遇害

清遣降鎮田起鳳守兵千人守沅州

甲午清兵入興安白土關

十一月戊戌朔

駕幸象州

官軍捷于全州

土司覃裕春子鳴珂與龍文明搏兵驚移聖駕  
次象州式耜再疏迎請與騰蛟起恒籌畫調和  
主客集永思璉誓於神刻期出師宜章伯盧鼎  
與滇鎮趙印選各分路駐全式耜輸餉轉運不  
絕全州復大捷獲名馬駃駝而還諸帥連營而  
軍亘三百里清衆退出楚

詔幸南寧

駕自象州欲往南寧忽爲焦璉亂兵阻道文武

諸臣皆微服而行馬吉翔左右御舟力挽淺水  
聞 上見之揮淚乃命閣臣王化澄吏部尙書  
吳貞毓閒道護三宮往南寧馬吉翔嚴起恒翌  
上仍遡十八灘還桂林

十二月丁卯朔日有食之

己巳駕幸桂林靖江王亨歎留守輔臣瞿式耜郊  
迎

上念式耜功高賞薄慰勞備至進見上殿賜坐  
給 贊元經體不治細務以比諸葛武侯裴晉

公先是七月司禮監龐天壽奉敕催兵不語久  
在桂林舊司禮王坤被承亂逐復入自武崗至  
柳州至象票擬皆金吾吉翔手也式相勸上  
攬大權明賞罰威德並行以服遠近

授原任禮部右侍郎郭之奇東閣大學士

在庚寅年駕幸梧州時

督師何騰蛟出師全州

各營兵不和焦璉走平樂郝永忠駐興安

清帥孔有德等攻銅仁思

有德沈知祥耿仲明尙可喜合兵而攻

以劉籛生爲刑部右侍郎丁時魁萬六吉等爲給事中是歲錦江伯楊展據嘉定

二年

戊子

春正月丁酉朔駕在桂林

遣大理寺評事朱宿垣賫詔宣諭粵西左右兩江及雲南土司令各發兵勤王

宿垣所至諭以大義土司無不感激願効復命

遣江西道御史

封趙榮貴定隨侯駐白水

榮貴以保寧來歸故

以詹天顏巡撫順慶潼綿

以總兵皮助守平溪

屬辰州

乙丑清江西提督金聲桓以南昌內附

聲桓與總兵王得仁以南昌等九郡之地來歸  
詔封聲桓豫國公加太子太傅兼吏兵二部尚  
書左都御史得仁建武侯其餘大小文武進秩  
有差聲桓志存匡復每就故閣臣姜曰廣進士

萬翔私相深計二人極力贊成各欲以身殉國  
聲桓志遂決會清撫章于天貪虐上下咨怨且  
與聲桓有郤時以會宴演劇聲桓曰畢竟衣冠  
文物好看于天曰如此便當代爲疏請聲桓自  
知失言深自引謝翌日于天遂上疏劾聲桓有  
反狀而撫吏與督吏兄弟也潛以其事告之聲  
桓發飛騎追獲其疏遂與得仁合謀殺于天傳  
檄江省州縣其圖反正

督師堵胤錫駐申家渡袁宗第駐松滋金家塲

二月鳳陽地震

清廣東提督李成棟以肇慶內附

成棟遣洪天擢潘曾緯李綺等賫奏請 駕幸

端州

清蕭章京線國安遣降將田起鳳攻平溪

總兵吳尙慮率副將三人迎戰三人俱敗死

清攻永寧縣

線國安遣徐爾先等攻永寧寨貴溪王嘗澆總

兵項登韋被獲苗兵萬人俱死



初八日崇陽王攻黎平敗于清鎮陳友龍

崇陽王率苗兵十二營攻黎平爲清制津鎮陳友龍所敗諸營俱潰降獨興化土司迎奉國將軍暉奎入寨以兵于人守之友龍復破寨暉奎死

十五日鎮江地震

十七日金聲桓率兵攻贛州

十九日清孔有德入全州

二十一日永成伯郝永忠擁兵入桂林

二十二日駕發桂林留守大學士瞿式耜次樟木  
港激各鎮援桂林

清兵薄嚴關駕復南幸鎮將敗逃過省撞塘呼  
號屠燒邑屋殺賊不辜欲以無禮犯式耜式耜  
端坐廳事不可動清乘間來窺突騎薄城門式  
耜率典兵宿將歃血定盟申約束晝則閉門固  
守夜則銜枚襲殺視丁亥春尤加奮勇西省賴  
以復全

永忠營被襲疾至關欲撤兵時左右近臣卽勸

上移桂林式耜以爲不可若以走爲上策桂可  
危柳益可危彼今日可到桂明日可到南太及  
反復千言淚下且沾衣嚴起恒曰遲至厥明式  
耜備御用銀三百兩將進而乘輿已發式耜疾  
出送駕數千兵遮之不得行式耜署中冠服束  
帶箱籠圖書咸被掠聞其主將以令箭護式耜  
署者反擄其署式耜裸坐署中持令箭逼登舟  
或曰無以復王將令乘主將先行而亂之耳滇  
營亦自靈川撤城內煙火高樓櫓城外不可停

泊式耜寢一小舟家大啟舟三里樟木港黎興  
司寇遠生給事中時魁六吉湘客至先以兵與  
閔民被殺掠聞上命湘客安撫亂亡及勸餉  
稽出遠生時魁以召將入遇式耜于樟木港遠  
生僉謂兵潰倉卒不及瞬息難下手請下朔平  
間催焦璉入援檄遠近無內恐式耜然之舟下  
三十里至豆豉井式耜入民舍集遠生等立草  
檄分路四發明日仍返桂城下俾知留守在也  
旋駢陽朔璉兵續上援楚鎮周金湯熊兆佐亦

入桂城式勅命簡討蔡之俊大理寺評事朱盛  
灝先入桂宣式勅令檄按察司僉事邵之燁部

璉兵

見劉湘  
容紀事

孫可望請駕南寧許之

詔封李成棟惠國公

遣吏部侍郎兼副都御史吳貞毓賫敕入廣東  
勞成棟封成棟惠國公并封佟養甲襄平伯

詔督師何騰蛟入守桂林清破興安

時騰蛟自守嚴關遣將守興安及奉詔守桂林

清遂破興安破岩關傷軍官萬人興安總兵三人及副將參游以下四百人俱死

是月辛卯白虹貫日

三月丙辰朔督輔瞿式耜入守桂林

時太常卿黃太玄斃于兵式耜棺斂之

乙巳駕幸南寧大學士嚴起恒王化澄同入閣辦事起恒攝吏部尙書以龐天壽掌司禮監

西粵新書云隨駕止嚴起恒馬吉翔科臣吳其雷洪士鵬許兆進尹三聘大司馬蕭琦七人

贈陳子壯東閣大學士忠烈侯諡文忠子祭墓廕  
一子中書舍人錦衣衛世襲

贈張家玉少保太子太師武英殿大學士吏部尙  
書增城侯諡文烈子祭墓追封三代廕其弟家珍  
錦衣衛僉事

十三日清兵攻順慶

安南入貢

報李胤楫之聘也

十五日大學士嚴起請開選邕城受二十四士

州貢賦從之 邕城屬南寧 時陳邦傳守潯柳  
二州不能供億故有是語

二十二日清攻桂林薄北門督師何騰蛟擊走之  
騰蛟師攻榕江

初騰蛟自永寧至桂滇鎮胡一清亦統兵至桂  
清人尙疑城虛直抵桂北門騰蛟督兵三面出  
追殺三十里清人北渡甘棠去督師列營榕江  
瞿式耜輸餉百石督師出關與留守相慰勞

二十三日甘州蘭州兵起



晉荆江伯張先爲壁侯

督輔瞿式耜檄諸鎮攻取金州

督輔瞿式耜檄廣西巡撫魯可藻下梧州

可藻銜自署兩廣舊例東撫稱制兼粵西西撫稱撫式耜曰方今武人多自署撫軍輒自命貽遠人笑因代疏請改銜

大學士周鼎瀚罷

當武岡之亂言官彈鼎瀚以附承胤入直式耜司票擬獨不可謂鼎瀚既係大臣應聽自謝免

賜督輔一器式耜銀幣金圖書

篆曰精忠貫日

清攻潼州綿州

以朱天麟爲大學士晏清爲吏部尙書張起爲戶  
科給事中張鳳翼以兵科掌翰林院張佐辰掌文  
選司童雲驤爲行人潘駿觀爲職方郎中

守制御史顧之俊亦隨駕

陳邦傳自請世守粵西督輔瞿式耜奏止之

閏月丙戌朔皇子生冊爲太子頒萬喜詔大赦天

下

督輔瞿式耜進入箴

式耜以經筵無講官無由聞得失書八箴於扇  
進之

十八日荆江侯張先壁克靖州遂克沅州

清沅州道戴國士以沅州來歸先壁題授都御  
史巡撫偏沅

召四川巡撫毛芝瑞爲吏部左侍郎芝瑞旋卒

初芝瑞留劉承胤謀立武崗芝瑞力折之幾被

害走廣東病踰年漸劇而所善黃嘉鄉知養利  
州以書迎之遂移居萬年城至是行在以吏部  
右侍郎召之既拜命遽卒

五月乙丑朔有食之

二十日清陷潼州

二十二日清陷綿州

二十七日督師何騰蛟復全陽

騰蛟奏捷疏歸之留守曰爲 皇上以信臣用

臣者式邦一人也

陳友龍以奉天來歸

清援江西

五月七日清譚泰兵至石頭日其兵一路從饒  
州一路從九江一路從進賢並入圍進賢順化  
二門十七日聲桓等兵自贛州下越二日入城  
先是聲桓命大廳宋弘宇以兵三萬守南昌十  
三日戰敗譚泰兵于鉄綿巷七里街在德勝門水泰  
兵于二十三日接戰聲桓敗守德勝章江廣順  
王德仁守進賢順化澹臺七月清築長圍二十

以後以浮橋柵斷章江

六月甲子朔有流星入于箕尾

督輔瞿式耜勞師全陽

遣刑部侍郎劉遠生入粵東勞師

初成棟表至舉朝歡呼科臣張起請先遣方正

大臣觀其虛實吏部侍郎吳貞毓拜命行使還

力言成棟忠誠迎駕初無虛僞因請幸廣遠生

秦人久節鉞有威名爲成棟所重信式耜請充

此選

督輔堵胤錫兵入常德辰沅

清官程時登余必躍逃

清副將馬進忠以兵來歸屯守蘆溪

進忠故流賊號混十萬

官軍復均州

清官李鳴謙走脫清官之守衡永寶慶柳鄖者

多道

是月駕發南寧幸潯州

秋七月

晉陳邦傳慶國公留守潯州兼守南寧等郡

駕至潯州適官眷有疾留數日邦傳以扈從新功擅劄授官始于慶國自劄繼而部劄後則御劄亦曰欽劄欽劄與吏兵部不相涉其銀則分散兵需及沿途賞賚取足于此

邦傳浙人原任廣西總兵隆武二年挂征蠻將軍印永曆改元封思恩侯

慶國公陳邦傳請世守粵西故黔國故事閣臣朱天麟票擬不允其請邦傳悲甚今武康伯胡執恭



至天麟舟中傳語云勳公欲將劍印擲公舟令各營兵聽公發付等語詞甚厲天麟不爲動

佟養甲伏誅

成棟遣養甲代祭興陵密令李

成棟養子本姓孫

八月

朔駕幸端州

卽肇慶

賜惠國公李成棟建

元勳府第以元胤爲左都督

式耜而奏駕勿東興陵兩轍風塵成棟令地方官備葺陵殿巍然天壽展謁昇龍舟宜卽返灘

灘而上成棟備法駕進御用嚴護衛甚威具移  
山超海之力非有所宜但事權宜專號令宜一  
茲軍功爵賞文武署置決于成棟若歸之朝廷  
徒虛拱且楚黔雄師百萬騰蛟翹首威靈駕旣  
東軍中將帥爲 皇上樂新復之地成棟亦有  
邀駕之嫌侯號令旣遠則人心渙散請上一見東  
諸侯俾瞻口天子音容而爲慰勞指屬然後責其  
盡意于東刻期出師一切決于外不中擾也式  
相先後遣簡討蔡之後給事中蒙正發迎駕

上竟由梧入肇式耜再疏言前日粵東未復

上宜住桂以視楚今日江廣反正則宜在桂以  
出楚事機所在毫釐千里吏部侍郎吳貞毓請

上幸廣城式耜乃促遠生入朝遠生見朝後  
成棟適自欲還師修行營迓乘輿上命遠生

詣廣勞成棟遠生謂成棟曰今乘輿駐北箭賞  
征伐人疑有私不可不嫌成棟然之遂罷修行  
官止遣官迎駕蓋遠生承式耜意欲駕返桂林  
也

召大學士瞿式耜赴行在式耜疏辭

戊戌督輔何騰蛟復衡州永州師次湘潭

庚子復寶慶

張先璧唐姚陳友龍等所復

以袁彭年爲都察院左都御史洪天擢爲吏部侍郎潘曾緯爲大理寺正卿李綺爲提學副使

從李元胤薦也

補陳世傑翰林學士吳以連驗封司李貞給事中  
高賚明御史王應華光祿卿楊邦翰太僕卿唐元

樞職方司

從元亂薦也世傑等皆廣人

陞曹燁兵部尚書耿獻忠毛毓祥通政使

從洪天擢薦也

大學士嚴起恒王化澄朱天麟吏部尚書晏清吏部侍郎吳貞毓科臣吳其雷洪士彭雷得復尹三聘許兆進張起等俱赴行在所

副都御史劉湘客禮部侍郎吳璪

即吳文瀛

吏科給事

中丁時魁戶科都給事中蒙正發兵科都給事中

金堡禮科都給事中李用楫文選司郎中施召徵  
光祿卿陸世廉太僕卿馬光儀 司徐世儀等皆  
赴行在所

以上八則見兩粵新書事多未核處劉湘客撰  
瞿留守傳實未嘗赴行在

九月癸丑朔有火星自東隕有聲

清陷寶慶

陳友龍復降

冬十月壬午朔惠國公李成棟入朝

成棟五百一朝時政無巨細上悉委之成棟亦必請旨後行

督輔何騰蛟檄馬進忠李赤心會師取長沙南雄知府凌犀渠遇害潮州

二十二日清再陷常德

左都督李元胤署吏部尙書

元胤旣殺佟養甲于德慶道上威權愈赫會其誕日饋送稱觴達于佟杪通政司疏陳乞官日  
以干計閣臣票擬只有着議具奏四家文選雖

掌銓衡之權空名而已廣省非從元亂轉奉成棟劄咨不得擅爲除授桂林平樂則瞿守爲政廣遠柳州則焦新典爲政潯南思秦則陳慶國爲政慶國先有降表至廣爲成棟所鄙承成棟旨咸思擊之

洪雅兵亂

是冬洪雅鎮湯國聘與團練花漢將熊振生治兵相攻洪雅之境無寧宇

十一月 朔



李成棟請出師南雄與金聲桓合攻贛州

督輔何騰蛟遣兵復安化醴陵益陽湘鄉攸縣

初三日馬進忠李赤心兵至長沙

清大同鎮姜瓖以大同內附

二十六日清吳三桂兵至保寧

永國公曹志建駐永州

十二月 朔

李成棟師次南雄

清援長沙李赤心大掠湘潭而遁

三年丑春正月

朔駕在端州

贈大學朱天麟召舊輔黃士俊何吾騶入直

科臣金堡等疏劾陳邦傳邦傳疏請卽用堡爲  
監軍以觀臣十萬鐵騎十一日大學士朱天麟  
稟擬有金堡從來朕亦未悉之語十二日早朝  
科臣丁時魁等率科道十六人進丹墀挂冠而  
出 上不得已賜諭帖于李元胤收回原旨天  
麟卽日放還田里金堡丁時魁等仍舊供職時  
魁等又劾天麟結太監王坤求陳邦傳特薦得

以入關又令其長子爲御史掌河南道次子爲  
中書弟爲行人得旨一門盡黜

十九日清再陷南昌金聲桓敗沒

一作念九日

南昌有湯副總守進賢門獻城王得仁被執死  
之姜曰廣自經

二十一日清再陷湘潭督師定興侯何騰蛟被獲  
不屈死之馬進忠走靖州

諸帥望風奔潰却地數百里省會震撼老幼竄

走內外數十萬不復舉烟火

清陷衡州

念八日大學士黃士俊何善騶乞罷許之

嚴起恒王化澄同入閣辦事

詔勅中書張立光崑山張魯傳之子陳邦傳致  
金珠祈改敕中一字因去秋駕過潯州邦傳留  
守潯州如瞿相例中書寫敕遂以世字易居字  
科道疏論立光擬罪

袁彭年求入相不得上疏云儻臣舊臣以三千鐵

騎西來今日君臣安在 上特其章示羣臣舉朝

大駭

時肇慶有假山五虎圖謂元胤以賈冒李也元胤本姓孫又姓賈五虎者爲總憲袁彭年爲虎

丁時魁爲虎尾戶科蒙正發爲虎脚兵科

金堡浙人隆武初爲延平知府疏激 上殺同

卿尹文燁吳施琬吳二人人畏之號爲虎爪副都劉

湘客陝西布衣來自瞿相又爲成棟同鄉號爲

虎皮

見南粵新書

二十八日定隨侯趙榮貴戰沒龍安柏峪口

隨一作遠

二月

朔張先壁率水陸兵數萬攻辰州不克

初五日清入撫州次日破建昌

初九日樂安縣殺姚大使

二十五日被蠡縣

陷長沙

破岷縣

晦日賴熊等廷陽

是月清陷信豐惠國公李成棟歿于陳

正月成棟踰嶺攻贛州適金聲桓戰不利全師  
退去成棟勢單清將高進庫乘機拒戰成棟復  
不利退至信豐兵潰不可制成棟親爲斷後乘  
馬渡河負鐵甲馬不勝水溺成棟遂卒時中軍  
杜永和代領其衆清兵復追敗之兵部侍郎張  
調鼎監軍道姚生文爲亂兵所殺

三月

初七日行在得督師何騰蛟惠國公李成棟敗報  
方中湘之報陷也羽檄達行在公卿震駭會集

政事堂議所以代定興侯者僉曰惟留守公望  
尊德鉅足以折制諸將議欲舉大事招討湖南  
北莫留守公宜奏上 上曰俞惟留守式耜作  
朕柱石朕悉其才是必能爲朕任閩外釋北顧  
憂者于是賜式耜彤弓鐵鉞特遣郎官一員捧  
詔詔式耜從此沅湘永寶鄂岳上下三軍之任  
行閒者皆得生殺予奪惟命式耜辭不獲乃戒  
期警衆建元帥旗鼓申號令親出入行閒令且  
環師全永跳盪捷擊刻日可獻俘馘



初八日兵至湘潭

夏四月初三日清再陷寶慶

初五日太白入月

初八日犁虜伯孫守法敗没于興安

没于藥箭寨

十四日故科臣沈迅自焚于萊陽

二十六虜破長山

孫可望據雲南自疏求封秦王不允以安東封之  
可望不受。

可望遣龔彝之弟鼎獻南金三千兩名馬四匹  
求封親王名號金堡以祖制無有阻之廣西南  
寧府與滇之廣南府接壤龔彝乘書有不允卽  
殺出等語陳邦傳大懼卽具疏爲可望請封秦  
王大學士嚴起恒以爲不可止封安東王可望  
因拒命未幾可望密遣人擊起恒于鄧州之濱  
幾殆

五月 朔以兵部侍郎張同儉總督湖廣軍務  
授瞿昌文中書舍人

昌文式耜孫也自海至

督師塔訖錫辭朝旋病卒于潯州

亂錫將滇南過宜章圖入粵東因割據者強觸  
相凌乃不果行遂以偏師會曹志建于永明孤  
軍無援遂爲所制兵將瓦解訖錫單騎夜遁走  
閒道覲闕至潯陽卒

劉湘客曰訖錫移瞿公書云 上有密敕云東

人握君子掌一朝不戒生劫入舟朕不復有中  
土之望唯卿與瞿先生圖之瞿公得書大驚知

斯語非出上意鹵簿諸臣欲外鎮與東諸侯釁  
則從中可攬權故詭爲上敕使亂錫聞于諸  
鎮上方蹕東鼓厲征討詎意內外生釁書四年  
朝事始未致亂錫我輩不力視封疆聽人臯牟  
而啟釁非社稷之福也忠貞營勛國公高必正  
諸勲咸偉其議

六月朔左都御史袁彭年以憂去  
自五月乙亥雨至十六月乙丑大水寒

秋七月朔遣內侍持敕獎南雄守將閔可義

杜永和

副將楊大甫與李元胤不協先燒營東下南雄  
單弱可義斷指自誓軍心始固

十四日楊展破遂寧旋潰回嘉州

永州再陷興寧侯朝一青退守榕江督輔瞿式耜  
檄一青出兵屯全州

召廷臣集議于慈寧宮發東餉萬兩

八月 朔

初八日以督輔瞿式耜生日遣官賜金幣

八日姜瓖敗沒于大同

袁韜武大定等誘殺楊展遂據嘉眉

明年春葛佐明倚九溪之險糾衆與袁武相拒  
期年始定

是秋清帥尚可喜攻陷潮州

大學士郭之奇禮科都給事中郭朝薦相傳殉

節

冬十月贈何騰蛟中湘王李成棟寧夏王金聲桓  
南昌伯設壇祭之

大學士王化澄致仕嚴起恒入直

自黃士俊何吾騶去位有疏未拜而先商崇擬  
落旨不符則與化澄相仇故化澄罷去惟起恒  
耐之故得獨相

十一月

朔德化王被獲遇害

鄭芝鵬踞石榴城清兵至隨遁去劉中藻在福  
寧勢窮自縊福建盡矢唯延漳汀三郡界連江  
西而延平所屬皆處萬山中清兵旣去德化王  
慈輝踞將軍寨先陷大田繼破龍溪攻順昌將

樂十一月清兵復陷之王被獲兵部尙書羅南  
生等降

十六日清入 州巡撫鄭愛陣歿于燕子窩

副將陳勝彭昌高勝談玉等戰于白虎關俱被  
獲死

十一月

十二日興寧侯朝一青率粵兵數萬攻永州不克  
退入山

曹志建復永州



并復桂陽擒清官李亨

潮州守備郝尙文降清

孫可望大掠貴州殺富順王平鼎

是歲封李建捷安肅伯

建捷北直真定人成棟養子從信豐歸守廣州

四年庚寅春正月駕在端州

清陷南雄屠之閔可義力戰而死杜永和以餘兵  
守清遠峽

初六日清陷韶州

寶豐伯羅成耀預遁

賜李元胤復姓爲孫

上以成棟死難晉元胤車騎將軍封南陽伯元胤力辭 詔固不許乃勉受車騎印而章疏多不改元銜冬去清以精騎破南碓詔鎮羅成耀棄城走元胤聲其罪與蒼梧乘督師鎮楊大庸咸伏誅人咸服其紀律時督廣州杜永和退走海外保瓊州

初七日復以王化澄爲大學士

初九駕發端州十三日命李元胤留守

上聞韶鎮羅成耀遁去遂戒舟西上

駕至德慶

二月朔駕至梧州

戎政劉遠生奏自請行守清遠峽給事中金堡  
奏留駕爭之不得適大學士瞿式耜疏至言粵  
東難得易失且韶去肇數百里強弩乘城堅營  
固守亦可待勤王兵至何乃朝聞警而夕登舟  
疏再上而蹕移德慶向梧州矣

下給事中丁時魁金保蒙正發詹事侍郎劉湘客  
詔獄從御史

程源奏也大學士瞿式耜七疏救金堡等時

上至梧州百官請行修臺 上欲以舟爲家有

旨命陳邦傅統兵護駕馬吉翔護三宮舟先行  
五虎失勢報仇者羣起獨袁彭年以憂去得免  
時魁等奉旨逮問于梧州照履衛故事榜掠招  
賂以數十萬計盡以充餉拷訊時惟堡大呼

二祖 列宗餘則乞哀殊甚

十五日清攻奉天總督劉祿監軍御史毛養登戰死馬進忠走靖州

二十六日清攻廣州

清陷惠州

惠州總兵黃應杰道臣李士璉知府林宗京等以惠州降清并執趙王由棧以獻

三月

念四日清破永州鐵在關次日破龍虎關總兵向明高姚得仁陣歿永國公曹志建奔灌陽

念八日殊敕發內閣榜袁彭年金堡丁時魁劉湘  
客蒙正發等罪于朝堂追賊遣戍以昭法紀

夏四月

朔再行考選

朱士焜考選第一

常州靖江縣人

補吏科給事中以代

丁時魁補童雲驥御史潘駿觀職方主事雲驥  
謝恩時伏地不能起殞于御舟

初八日清至黔陽

二十日王光恩駐巫夔間行屯政

清兵至郴州興寧縣巡撫黃順祖總兵林國瑞戰

死其衆二千人被屠

二十四日興國侯李赤心擒永州清官李茂祖余世忠送行在誅之

茂祖陝西布政署巡撫事世忠乃鎮將也

六月 朔

清入清遠峽

清遠叅將鄺文龍東莞總兵張道瀛叅將張善南雄副將覃養志等俱降

秋七月 朔

湖南巡撫

總兵白文明自榔桂出降于孔

有德

八月

十五日御舟泊繫龍舟

在梧州之東

自春至秋王嚴二相隨駕逍遙河上有民謠云  
漢宮秋也昭陽愁也起恒字秋台化澄字昭陽  
上與太后三宮置酒樓船箫鼓于梧州繫顏  
洲之上下起恒手書水殿二字挂小牌于御舟



前 上飲至中宵不樂而罷以清遠峽及惠筥  
閒有敗報也

九月清破灌陽知縣李遇昇被獲死

曹志建奔恭城

冬十月 朔日有食之

上不怡嚴起恒疏請修省

大學士瞿式耜遣其孫昌文入覲于梧州授昌文  
翰林院簡討

十一月

駕幸藤縣陳邦傳自潯江迎駕

初一日清陷廣州屠之

李元胤携重貲入廣州城中人亦嬰城自守男  
子上城婦女饋餉清兵環圍城外自八月至十  
二月初二日五鼓北門觀音山紫雲梯遂入城  
城中驚惶相蹂踐砲銃相擊城門築塞難開百  
萬人民盡死于內杜永和自清遠敗後退還端  
州尙有兵萬人知不能守遂奔恩平高雷以扼  
高雷廉 上與太后二宮移州西上至藤縣遂

分爲兩陳邦傳自溇州來迎駕諸臣與之合者  
皆往石江不入者則入容縣溝赴北流陸州高  
化境兵多散敗肆行劫掠戶部尙書吳貞毓失  
一妾刑部尙書毛毓祥子身遁聞 上往南寧  
向交趾反二十四土州爲援相隨有王化澄嚴  
起恒馬吉翔龐天壽等陳邦傳尙據溇江爲殿  
後其兵尙萬餘

初三日清孔有德入全州

衛國公胡一清撤守榕江兵

初四日孔有德犯興安

四日有德兵至興安次日辰刻大舉入巖關開  
國公趙印選衛國公胡一清寧遠伯玉永祚俱  
以分餉入桂榕江空壁武陵侯楊國棟寧武伯  
馬養麟方馳出小路軍榕江兵未戰而四清發  
使趣印選印選已出城城中大亂沿道驅掠式  
耜令戢之不得城中潰兵各鳥獸散一清永祚  
從城外去式耜衣冠危坐署中適總督張同敞  
自靈州回過東江不入泗水過江入桂林願

與式耜同殉國

初六日孔有德破桂林

劉湘客作初五日用歷異也

清江王及其世子長史李

被獲不屈死

留守大學士瞿式耜兵部侍郎張同儼被執不屈  
羈于別室

大學士王化澄戶部尚書董天閔廣西布政朱

俱降于清

桂林平樂全州

東安永寧臨桂靈川興安義

昭平寧灌陽永福恭城陽朔荔浦修仁甯川平樂  
等十七州縣俱陷

閏十一月

十七日留守大學士瞿式耜兵部尙書張同儉死  
之

劉湘客曰瞿公執去見有德公云事已至此一  
死足矣夫復何言有德雅重公安于別所防衛  
嚴而不失禮焉公賦詩與張公賡和邏卒得公  
與胡一清書知公死心社稷而志未灰也十七

日辰刻請公出公笑謂張公曰我二人多活了  
四十日今日事畢矣張公亦謂曰今日得死所  
矣遂南面被害十六日之夕十七日之辰雷霆  
冬發遠近皆曰徵在公也瞿公絕命詩云從容  
待死與城亡千古忠臣自主恩澤久頭絲猶帶  
滿天香時給事中金堡已爲僧有德請葬二公  
遂瘞北門園

十二月

駕幸南寧入土州朱天麟嚴起恒王化澄馬吉翔

龐天壽等俱從行

擢兵科給事中張起爲副都御史巡撫南寧

南陽伯孫元胤被獲于欽州赴廣州

五日之內兩廣連陷駕離梧州爲陳邦傳所劫  
百官星散元胤身卒故率護蹕南寧身至南  
海檄舊旅至欽州爲土兵王勝常所劫械送廣  
州見有德不屈膝有德不遽殺留之以招杜永  
和

是冬高李二將率衆數千渡瀘自黎州出掠嘉眉



五年辛卯春正月

朔駕在南寧尋幸安隆州

二月十五日清陷梧州及蒼梧藤縣

二十五日清陷柳州及象平馬平

三月

端州羅定州降于清

清陷高州

高州提督李明志兵潰吁口清兵追至電白縣

明忠預遁清遂陷高州道臣郭光祖吳人龍知

縣文振義副將王邦友等俱降清

新泰伯鎮守潮州總兵郝尙文潮州道沈時知府  
王朝鼎俱降于清

尙文尋內附

夏五月秦王孫可望遣將賀九儀總兵常榮將兵  
至南寧護駕并請移蹕雲南

上亟召隨從諸臣議之時閣臣吳貞毓御史王  
光廷徐極等勸駕幸欽州依李元胤閣臣朱天  
麟力請幸滇言元胤屢敗之餘衆不滿千棲依  
海濱其不足恃明矣雲南山川險阻雄師百萬

北通川陝南控荆楚亟宜移蹕以堅可望推戴  
之心以慰中外臣民之望吳貞毓魏光廷等堅  
執不可遂寢其議

秋八月慶國公陳邦傳與其子文水伯陳曾禹遣  
將至梧州降于孔有德

潯州總兵李時方有聲副總兵鄧景監軍遣楊光  
文潯州知府何允中俱降于清

陳邦傳殺宣國公焦璉

璉與邦傳有兒女戚邦傳說降不屈遂爲所誘

殺又寧端伯茅守憲爲邦傅所劾繳印降守憲  
尋悔恨遂卒

冬十月撫南昌劉文秀率兵五萬攻保寧不克  
文秀自滇入蜀與秦韜武大定等相拒數月  
十四日靖南侯于大海率兵于荊州降于清

大海初據夔州之巫陽爲孫可望所敗故降  
定川侯李古春被執

古春僞降卽爲僧遁去尋復被執

是歲永州諸生鄧光遠不屈死之

孫可望殺大學士楊畏知

畏知故衡滄道也永曆改元擢部院是年入覲  
安隆晉大學士還滇可望忌而殺之